

粵東皇華集



Z121

1

:2315 粵

東
皇
華
集

李調元 著

中
華
書
局

叢書集成初編

粵東皇華集

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN 7-101-00894-1/K·367

此 據 函 海 本 影 印
初 編 各 叢 書 僅 有
此 本

粵東皇華集序

粵東皇華集四卷雨邨李五丈作也雨邨以原
午之夏奉

命爲廣東副典試往還六閱月凡所經歷悉記
以詩刪汰改易又二年而刊成屬余爲之序夫
文字權衡翰林之任也然我

皇上用人無方試使學使輒兼用部曹而由庶
常改部者用之尤多君故庶常且素以詩文名
世意者聲稱籍甚達於

天聽乎今邊省儒學之盛莫如閩粵閩承宋學
多以經術鳴而粵東詩文之士爲嶺嶠冠久矣
其山川奇麗唐宋以降古蹟至多我

朝如漁洋竹垞他山輩咸經其地所撰著皆一
一可據兩邨於是行也其能已於言乎竊以爲
今之試使亦猶古太史公採風乘輜軒周四國
而風謠美惡必兼收焉試使則取其文之美者
達之朝寧其不才者抑之此其與古異也至若
記其風土詢其政教復

命之項以待

顧問則古今一也故皇華之詩以咨諏詢度謀
五事爲本夫使者於所過溪山之出沒興替所
從來民風之淳薄曾不考而知焉是視若罔見
聽若罔聞執此以鑒文字之高卑求其不謬不
亦難乎故余於兩邨之本五事以爲詩而知其
所取之才必可以爲

國家用若其詩之雄肆超詣固有不愧昔賢者
在覽者宜自得之又何待於余言

乾隆丙申十二月後學程晉芳拜序

附朝鮮國副使啟

浩修啓從人再造門屏聲光自爾不遠
而誦其詩已而聽其議論是無異乎瞻德
容而接清誨也況又授之瓊琬之章施之獎
許之語海外賤蹤何以獲此

大邦之君子也禁防所拘既不能赴謝
忱方表在身又不得奉報拙計以愧以悚
如魚中鈎數日漸覺暄揚伏惟

尊體維護詩學之久矣自夫明末諸君
子寫景則動引唐人叙事則輒稱宋調風
神或似雋永陶澆或近精工而驟讀則牙
頰爽然徐省則意趣索如其弊至北音
節唯殺氣像悽短全失溫采敦厚之義蓋
學唐而失其天機學宋而去其寸情貽皮
膜而已離騷而已乃執事之詩則豁以皇華
諸篇觀之超脫沿襲之陋一任渾雅之真

非唐非宋獨後

執事之言而若其格致之蒼健音韻之高
潔無心於山谷放翁而自合於山谷放翁亦
可謂歐陽子之善學太史公三復之餘不
勝敬歎所恨者富有之業當不止此而一
齋之味無以盡九鼎爾然詞律不過小技
執事必有事於詩外如近世李榕村之
沉潛經術顧亭人之博物考古梅勿菴之

專門絕藝皆溪壑自得之學而泚入耳
出口之說

執事于經于史如有發揮著述則亟之願見
之誠不啻渴者之企望露甕石甕丁酉上元

朝鮮國副使徐浩修拜

徐浩修字養直號鶴山朝鮮大正人官禮曹判書兼同知經筵成均館事前宏
文館副提舉集賢殿學士議政府舍人湖南布政使承政院都承旨東宮判

粵東皇華集卷一

羅江李調元雨村著

奉和粵東中丞德定圃座師見寄元韻

登龍曾憶滿京華桃李逢時盡作花苟爽無才先得御

癸未科師充大總裁閱四川卷孔融有慧競通家一從

調首蒙擊賞拔置會試第二人不立門前雪萬里常看海外霞今日讀詩似親炙春風

疑不在天涯

自慚薄廩未升堂濟濟曾叨吉士行未得青藜終講讀

重經絳帳聽絲簧郎廳此口仍依鶴學博當時笑擇羊

調先以國子監學錄釋褐受知故云屈指平生知遇重鳳鳴終自愧朝陽

通德門依

鳳闕間年前入覲暫來還

師於去歲入覲調方補官來京

習謁於西閣蒙垂問近况

笑容近接三台象清德遙傳百越蠻意

苒囊開無別載木棉花發又重攀珠江可許陪趨步飽

看羅浮月一灣

帝咨柱石爲寧邊八座文昌內簡賢人頌恩威恩最

著羣歸教養教尤先陶延名重溪猿伏韓愈文成海鱷

遷羅沓最憐門下士幾時重入醉翁筵

奉 命典試粵東再疊前韻寄呈定圃座師大中

丞

南交火位炳文華何意微名署五花

各省試差例由中書票會請青磨

簡用者殊批簽上時命同日俱下手執弓旌原爲國心欣衣鉢
得傳家三年坐憶談風月六月行看趁晚霞既得親師
兼得弟主恩真是浩無涯

子固文從六一堂當年指示得周行大都鳴鳳和如律
莫漫雕蟲巧似簀天使絳紗仍侍馬人傳緩帶實過羊
諸生欲識淵源自濯漢應知並景陽

海山一氣杳茫間萬里迢迢記往還自古文人寧有種
況今聖代久無蠻後生雨化皆成德前輩風流近可
攀好向龍門爭鼓浪窮源樣只在河灣

同駕輶車下日邊持衡嶺嶠愧非賢敢云楊爛居王後

常笑劉琨恐祖先

正典試爲青陽王公終修

驛路公程爭夜赴郵亭

詩興逐時遷囊中各有皇華咏待正吾師瑋琄筵

六月初六日出都

簡書捧到五雲端略整行裝便跨鞍直省有官共銓鏡

偕行無客不金鑾

是日福建典試編修湯辛齋同部王曉莊同出都立齋與春甫同官余與

曉莊同官而皆出庶常故云

路從海止分遙近衣在箱中備暑寒誰

解觀星知漢使應言此日發長安

晚次良鄉縣

晚次良鄉縣篝燈隔樹明高城收暝色遠塔送鐘聲里

記七千里程纔第一程炎天雲似火大半總宵征

偕王春甫編修過宏恩寺

近京無百里見此大禪林
雨過一花放雲蟠萬木深
羈腰下玉緣淺橐中金空
與蘭臺客流連話素心

涿鹿感懷三十韻

南省奏始下使車日鞭轡
持旌指嶺南分道先由涿
郵亭坐淒清往事忽傷觸
憶昔癸未春先子領州牧
旁午理羽書艱辛閱案牘
早歎多僮僕訟庭少鞭扑
父老起謳謠上吏爭拭目
時調提禮闈泥金近報速
先子覽之喜鬚眉笑可掬
謂屈賢良對庶可大吾族
既窺中秘書未許龍門續
高堂色雖沮內志自鞭督
口啣鷄舌香郎